

**BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO**

**Stručna služba za zajedničke poslove**

Broj: 17-14-21961-8

Sarajevo; 09-09-2016 godine

Na osnovu člana 64. stav (1) tačka a) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), u skladu sa članom 3. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ br. 5/06 – Prečišćeni tekst) na preporuku Komisije za nabavku roba u postupku javne nabavke za Nabavku i isporuku motornih vozila za potrebe Kantonalne uprave za inspeksijske poslove Kantona Sarajevo – LOT 2 /Putnička vozila "niže klase" (Zapisnik o pregledu i ocjeni ponuda broj: 17-14-21961-6 od 07.09.2016. godine, načelnik Stručne službe za zajedničke poslove Kantona Sarajevo, d o n o s i:

**ODLUKU  
o izboru najpovoljnijeg ponuđača**

**Član 1.**

Prihvata se Preporuka Komisije za nabavku roba u postupku javne nabavke za Nabavku i isporuku motornih vozila za potrebe Kantonalne uprave za inspeksijske poslove Kantona Sarajevo – **LOT 2 /Putnička vozila "niže klase"/** i dodjeljuje se prvoplasiranom ponuđaču „**GUMA M**“ d.o.o. Mostar, prema dostavljenoj ponudi broj: 198-08/16 AK od 25.08.2016. godine, u ukupnoj vrijednosti od 67.860,00 KM /sa PDV-om/.

**Član 2.**

Prijedlog ugovora dostavit će se na potpis izabranom ponuđaču po isteku roka od 15 (petnaest) dana, a u vezi sa članom 98. stav (2) Zakona o javnim nabavkama, računajući od dana kada su svi ponuđači obaviješteni o izboru najpovoljnije ponude.

Izabrani ponuđač je dužan dostaviti dokaze o kvalificiranosti dokazi po članu 45. i 47. ZJN., u roku od 5 (pet) dana, ukoliko iste nije dostavio u ponudi, nakon što svi učesnici budu obaviješteni od strane Ugovornog organa o rezultatima postupka nabavke, a u skladu sa protekom žalbenog roka i u skladu sa tenderskom dokumentacijom.

U slučaju da izabrani ponuđač propusti da dostavi dokaze o kvalificiranosti u navedenom roku ili dostavi neprihvatljive dokaze, ova odluka će se poništiti.

**Član 3.**

Ova odluka objavit će se na web stranici ugovornog organa, [www:http: sszp.ks.gov.ba](http://www:sszp.ks.gov.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: 17-14-21961 od 22.06.2016. godine – Nabavka i isporuka motornih vozila za potrebe Kantonalne uprave za inspeksijske poslove Kantona Sarajevo. Javna nabavka je provedena putem postupka: Otvoreni postupak. Procijenjena vrijednost javne nabavke bez PDV-a za LOT 2 /putnička vozila "niže klase"/ iznosi 68.000,00 KM. Za predmetnu nabavku objavljeno je obavještenje o nabavci na portalu javnih nabavki pod brojem 1230-1-1-64-3-41/16 od 11.08.2016. godine u 10:52 h, i u "Službenom glasniku BiH" br. 62 od 19.8.2016. godine.

U skladu sa Pravilnikom o nabavci roba, vršenju usluga i ustupanju radova, odnosno provođenju postupka sa objavom obavještenja na portalu javnih nabavki, Komisija je na osnovu utvrđenog roka za prijem ponuda do 05.09.2016. godine do 13,00 h konstatovala da su u uredno zatvorenim kovertama dostavljene ponude ponuđača za LOT 2 – Putnička vozila "niže klase":

Rb	PONUĐAČ
1.	"GUMA M" d.o.o. Mostar, ul. Bišće polje bb

U skladu sa Odlukom o pokretanju postupka, Komisija za nabavku roba formirana Odlukom broj: 17-05-27809 od 18.10.2015. godine provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Otvorenom postupku. Zapisnik o pregledu i ocjeni ponuda broj: 17-14-21961-6 od 07.09.2016. godine čini sastavni dio ove odluke i u istom je utvrđeno slijedeće:

- da je ukupan broj pristiglih ponuda jedna (1)
- da je blagovremeno zaprimljeno ukupno jedna (1) ponuda
- da nema neblagovremeno zaprimljenih ponuda
- da je ponuda ponuđača "GUMA M" d.o.o. iz Mostara, formalno-pravno ispravna, odnosno ista ispunjava formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda.

Tabelarni pregled prispjelih ponuda – rang lista prihvatljivih ponuđača za postupak javne nabavke Nabavka i isporuka motornih vozila za potrebe Kantonalne uprave za inspeksijske poslove Kantona Sarajevo – LOT 2 /Putnička vozila "niže klase"/ kako slijedi:

#### **LOT 2 – Putnička vozila "niže klase"**

1. "GUMA M" d.o.o. Mostar	100,00 bodova
---------------------------	---------------

U skladu sa kriterijem "ekonomski najpovoljnija ponuda" sa potkriterijima: cijena 70%, rok isporuke 20% i način plaćanja 10%, **ugovor se dodjeljuje ponuđaču „GUMA M” d.o.o. iz Mostara** u ukupnoj vrijednosti od 58.000,00 KM (bez PDV-a), a 67.860,00 KM (sa PDV-om), rok isporuke 50 dana i način plaćanja 45 dana. Za predmetnu nabavku će se zaključiti ugovor.

**Pouka o pravnom lijeku:** Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredaba Zakona o javnim nabavkama ima pravo priložiti žalbu u pisanoj formi u roku od **10 (deset) dana** od dana prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

Žalba se podnosi Ugovornom organu (Stručnoj službi za zajedničke poslove Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prostepenom organu u žalbenom postupku.

Ponudač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 800,00 KM, u skladu sa članom 108. stav 1. tačka b) Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.



Pripremila: Samira Duraković, dipl.pravnik  
Kontrolisao: Sedin Kozadra, dipl.ecc.

Prilog:

1. - Zapisnik o pregledu i ocjeni ponuda broj: 17-14-21961-6  
od 07.09.2016. godine

**Dostaviti:**

1. Svim učesnicima u postupku
2. Stručnoj službi za zajedničke poslove
3. a/a